

正法眼藏：護法集／蕭平實著，——二版——

臺北市：佛教正覺同修會，2001【民90】

面； 公分

參考書面：面

ISBN 957-744-951-4（平裝）

1. 佛教—弘法

225.5

90014242

正法眼藏——護法集

講述者：平實居士

文音轉易：王培華等十四人

出版印贈：佛教正覺同修會

103 臺北市承德路三段二七七號九樓

（捷運淡水線 圓山站旁）

電話：〇二二五九七二九五・二五九六〇九二・二五八五四三八

傳真：〇二二五九五四九三（全天）

郵政劃撥帳號：一九〇七二三三四三

函索處：二二一台北郵政 73-80 號信箱

* 回郵請詳書末贈閱書籍目錄

親自索取：本會各共修處

* 索書地址與時間：詳見書末共修現況表

初版：公元一九九六年十月 一萬冊

初版二刷：公元一九九七年十月 一萬冊

二版二刷：公元二〇〇三年三月 一萬冊

* 爲免本書遭篡改改扭曲原旨，故主張著作權，不許翻印。本書自二版一刷起，對中國大陸地區開放著作權及版權，大陸各佛教團體與書局，得以二版一刷之版本，自行翻印或打字印製；但不許增刪內容，違者必究（印成後請寄五冊與本會建檔）。

正法眼藏

護法集
《第二版》

平實居士 著

佛教正覺同修會 印贈

ISBN 957-744-951-4

歸敬佛法僧

一切人天依

令正法久住

今說護法集

摧波非法說

顯正道次第

唯願佛子眾

同霑正法雨

——蕭平實——

舍利弗，身未證法而在高座，身自不知而教人者，必墮地獄。舍利弗，如是因緣如來悉知：我諸弟子以種種門、種種因緣、種種諸見，壞我正法。

佛告迦葉：我般涅槃七百歲後，是魔波旬漸當壞亂我之正法。譬如獵師身服法衣，魔王波旬亦復如是，作比丘像比丘尼像優婆塞像優婆夷像，亦復化作須陀洹身，乃至化作阿羅漢身及佛色身。魔王以此有漏之形作無漏身，壞我正法。

目錄

大乘方廣總持經	一一
不思議光菩薩所說經	二七
寶授菩薩菩提行經	四四
佛藏經	五七
佛說法滅盡經	二三九
佛說彌勒下生經	一四二
大般涅槃經（卷六摘錄）	一五一
正法眼藏——護法集	
自序	一五七
再版序	一六〇
第一章 眞如與佛性之辨	一六二
第二章 關於開悟之辨正	一七九
第三章 悟後起修之辨正	一九〇
第四章 略辨唯識與眞如	二二六

月溪法師講無始無明表解·····	二六九
蕭平實作無始無明與一念無明表解·····	二七〇
第五章 關於無明之辨正·····	二七一
第一節 某師對一念無明之誤解·····	二七一
第二節 一念無明從何處來？·····	二八〇
第三節 一念無明會變爲佛性？·····	二八四
第四節 一念無明無始無終？·····	二八五
第五節 一念無明不須斷除嗎？·····	二九二
第六節 斷盡一念無明不能出三界嗎？·····	二九六
第七節 某師對無始無明之誤解·····	二九八
第六章 雜疑辨正·····	三二九
第一節 雜疑辨正·····	三二九
第二節 大乘起信論法義眞僞之辨正·····	三五一
第七章 護正法章·····	三七〇
第一節 由教門分別與無分別之說明證知某師未悟·····	三七〇

第二節	由教門開示證知某師尙未開悟明心……………	三八〇
第三節	由宗門公案之開示證知某師未破初參……………	三八五
第四節	一切佛子應護正法……………	四二一
跋：	呼籲及懺悔……………	四四五
附錄	護法集參考書籍編號……………	四四九

大乘方廣總持經

隋天竺三藏毘尼多流支譯

如是我聞：一時佛在王舍城耆闍崛山中，與大比丘衆六萬二千人俱，菩薩摩訶薩八十億衆，摩伽陀國優婆塞六十億百千人。

爾時世尊夏安居已，臨涅槃時，入如法三昧。入三昧已，是時三千大千世界，普遍莊嚴懸繪幡蓋，置寶香瓶，衆香塗飾，處處遍散千葉蓮花。

爾時此三千大千世界億百千衆，諸梵天王，及億百千眷屬來詣佛所。到佛所已，頭面禮足，合掌向佛，卻住一面。

復有億百千淨居天子、自在天王、大自在天王、龍王、夜叉王、阿修羅王、迦樓羅王、緊那羅王、摩睺羅伽王，各與億百千眷屬來詣佛所。到佛所已，頭面禮足，合掌向佛，卻住一面。

爾時十方如恒河沙大威德菩薩摩訶薩來詣佛所。到佛所已，頭面禮足，合掌向佛，卻住一面。爾時此三千大千世界乃至有頂，皆悉來集，大衆充滿，間無空處。爾時復有餘大威力天龍、夜叉、乾闥婆、阿修

羅、迦樓羅、緊那羅、摩睺羅伽等皆來集會。

爾時世尊正念現前，從三昧起，遍觀大眾。欠呿頻申，如師子王，如是至三。爾時世尊從其面門出廣長舌，遍覆三千大世界。是時如來現神通已，復觀大眾。爾時一切大眾即從坐起，合掌作禮，默然而住。

爾時佛告彌勒菩薩摩訶薩言：「阿逸多，如來不久當入涅槃。汝於諸法有所疑者，我今現在，欲有所問，今正是時。佛滅度後，勿生憂悔。」爾時彌勒菩薩摩訶薩白佛言：「唯然世尊，善自知時，諸佛如來於一切法皆悉究竟，惟願宣說，令此法眼久住於世。」

爾時會中有大自在天子及八十億淨居天眾，眷屬圍遶，頂禮佛足，合掌恭敬而白佛言：「世尊，此大乘方廣總持法門，過去無量諸佛如來應供正遍知，已曾宣說。惟願世尊今復敷演，利益安樂無量人天，能令佛法久住世間。」爾時世尊默然而許。是時大自在天子知佛許已，歡喜踊躍，合掌作禮，卻住一面。

爾時佛告彌勒菩薩摩訶薩言：「阿逸多，此大乘方廣總持法門非我獨說，過去未來及今現在十方世界無量諸佛亦常宣說。若有眾生於佛所說，言非佛說及謗法僧，而此謗者當墮惡道，受地獄苦。」爾時佛告彌

勒菩薩摩訶薩言：「若有善男子善女人發菩提心，於此大乘方廣總持經典，受持讀誦，復爲人說，當知是不墮惡道。」

爾時世尊復告彌勒菩薩摩訶薩言：「阿逸多，我從成佛夜，乃至將入無餘涅槃，於其中間，佛身口意，所作所說、所念、所思惟，頗有忘失起惡業不？」彌勒菩薩言：「不也世尊。」佛言：「彌勒，如汝所說，我從成道乃至涅槃，於其中間所言所說，皆悉真實，無有虛妄。若有愚人不解如來方便所說。而作是言：『是法如是，是法不如是。』誹謗正法及佛、菩薩，我說是輩趣向地獄。」

佛言：「阿逸多，於我滅後五濁世中，若有比丘比丘尼優婆塞優婆夷，實非菩薩，自謂菩薩。是外道人，曾於過去供養諸佛發願力故，於佛法律而得出家。隨所至處多求親友名聞利養。恣行穢污，棄捨信心。成就惡行，不自禁制。不自調伏，貪諸利養，於一切法門及出生堅固三昧，皆悉遠離，實無所知。爲親屬故妄稱知解，住於諂曲。口說異言，身行異行。阿逸多，我菩提道，於一切衆生皆悉平等，安住大悲。以善方便正念不忘。如來安住無等等力，無障無礙而爲說法。若有衆生作如是言：『佛爲聲聞所說經典，諸菩薩等不應習學，不應聽受，此非正

法，此非正道。辟支佛法亦不應學。』復作是言：『諸菩薩等所修行法，聲聞之人亦不應學，不應聽受。辟支佛法，亦復如是。』復作是言：『諸菩薩等所有言說，聲聞辟支佛不應聽受。』彼此言行更相違背，不與修多羅相應，於如實說眞解脫法，不能信受。依彼法者不得生天，何況解脫？」

「阿逸多，我今說法，隨其信心而調伏之如恒河沙。阿逸多，我今欲往十方世界隨順說法，利益衆生，不爲實非菩薩而作菩薩相者；亦不爲毒惡欺誑少聞之人於我法中作二說者。其二說人或作是言：『是菩薩應學，是不應學。』謗佛法僧，是人身壞命終墮於地獄，多百千劫不可得出。設令得出，生貧窮家。至於後時雖得授記，五濁惡世成正覺，如我今日於是生死五濁世中成於佛道。以是因緣汝應諦聽，應當信知——隨順惡友所行如是。」

「阿逸多，我念過去無央數劫，彼時有佛，名曰無垢焰稱起王如來應供正遍知明行足善逝世間解無上士調御丈夫天人師佛世尊，出現於世。是時彼佛壽命八萬那由他歲，爲衆說法。爾時無垢焰稱起王如來法中，有一比丘名曰淨命，總持諸經十四億部，大乘經典六百萬部，爲大

法師。言辭清美，辯才無礙。利益無量無邊衆生，示教利喜。爾時無垢焰稱起王如來臨涅槃時，告彼比丘淨命言：『未來世中汝當護持我正法眼。』爾時淨命受佛教已，於佛滅後千萬歲中，守護流通諸佛秘藏。於此方廣總持法門受持讀誦深解義趣，於彼世界八萬城中所有衆生，隨其願樂廣爲宣說。爾時有一大城名曰跋陀，往彼城中，爲八十億家隨其所樂而爲說法。是時城中八十億人獲淨信心，一億人衆住菩提道，七十九億人住聲聞乘而得調伏。爾時淨命法師復與十千比丘衆相隨俱往，修菩提行。爾時跋陀城中復有比丘名曰達摩，於大乘經方廣正典受持千部，獲得四禪。唯以方廣空法，化彼城中一切衆生，不能以善方便隨欲而說。作如是言：『一切諸法悉皆空寂，我所說者真是佛說。彼淨命比丘所說雜穢不淨。此比丘實非淨命而稱淨命。何以故？而此比丘所受諸華，不持供養，而自受用，塗香末香亦復如是。淨命比丘愚癡無智，不能知我久修梵行。彼既年少，出家未久，我慢無信，多諸放逸。是諸人等無所知曉，謂是淨命持戒比丘。』

「爾時達摩以其惡心謗持法者。身壞命終，墮於地獄，經七十劫，具受衆苦。滿七十劫已，墮畜生中。過六十劫後值遇香寶光佛，於彼法

中發菩提心。於九萬世猶生畜生中，過九萬世已，得生人中。於六萬世貧窮下賤，恒無舌根。」

「其淨命比丘於諸法中得淨信心，爲人說法。彼於後時得值六十三那由他佛，恒爲法師，具足五通，勸請彼佛轉妙法輪。阿逸多，汝今當知，過去淨命比丘者豈異人乎？莫作異觀，今阿彌陀佛是。阿逸多，汝今當知，過去達摩比丘者豈異人乎？莫作異觀，今我身是。由我過去愚癡無智，毀謗他故受苦如是。我以此業因緣故，處五濁世成等正覺。是故阿逸多，若有菩薩於諸法中作二說者，以是因緣，後五濁世成於佛道。其佛國中有諸魔等，於說法時恒作障礙。」爾時大眾聞佛說已，皆悉悲泣，涕淚交流，俱發是言：「願於佛法，莫作二說如達摩比丘。」

爾時會中有百菩薩，即從座起，右膝著地悲號墮淚。爾時世尊知而故問彼菩薩言：「善男子，汝等何爲悲號如是？」爾時諸菩薩等異口同音俱白佛言：「世尊，我等自觀亦應有此諸惡業障。」

爾時世尊作如是言：「如是如是，汝亦曾於過去然燈佛所，在彼法中出家修道。是然燈佛滅度之後，時有比丘名曰智積，汝等爾時謗是比丘，因是已來不得見佛，不能發菩提心，不得陀羅尼及諸三昧。後共汝